



Broj: 01-50-1-15-83/05
Sarajevo, 25. jula 2006.

ZAPISNIK

83. sjednice Predstavničkog doma
Parlamentarne skupštine Bosne i Hercegovine,
održane 25. jula 2006. godine

Sjednica je počela u 10 sati. Prisustvovalo je 37 poslanika.

Opravdano su odsustvovali: Azra Hadžiahmetović, Adem Huskić, Mehmed Suljkanović, Zlatko Lagumdžija i Mehmed Žilić.

Iz Vijeća ministara BiH prisustvovali su: predsjedavajući Adnan Terzić, ministri Bariša Čolak i Branko Dokić, te zamjenik ministra Jusuf Kumalić. Zbog razmatranja Izvještaja, sjednici je prisustvovao predsjednik Visokog sudskog i tužilačkog vijeća BiH.

Sjednici su još prisustvovali predstavnici Udruženja deviznih štediša.

Iz međunarodnih organizacija sjednicu su pratili predstavnici OHR-a i OSCE-a.

Predsjedavajući Doma Martin Raguž u uvodnim napomenama upoznao je poslanike o prijedlogu Kolegija i Proširenog kolegija Doma za dopunu i izmjenu u pozivu predloženog dnevnog reda.

U raspravi o prijedlogu dnevnog reda **Mirsad Sipović** iznio je neslaganje da se s dnevnog reda skinu poslanička pitanja i odgovori. Zatim je zatražio da se u dnevni red uvrsti Prijedlog rezolucije koju je dostavio Domu u pisanoj formi i zatražio da se na ovoj sjednici poslanici upoznaju sa sadržajem, a da se na narednoj sjednici o Rezoluciji raspravlja i odlučuje.

Filip Andrić predložio je da se u dnevni red uvrsti Prijedlog zaključka kojim će Dom obavezati Vijeće ministara BiH da odmah obustavi daljnji prijem državnih službenika i zaposlenika u ministarstva, što se, kako je rekao, masovno sada radi, neposredno pred istek mandata.

Tihomir Gligorić podržao je predložne izmjene i dopune dnevnog reda, ali je rekao da bi poslanička pitanja obavezno trebalo imati na narednoj sjednici.

Petar Kunić uputio je kritiku Kolegiju zbog prijedloga da se skinu poslanička pitanja i odgovori. Zatim je ponovio pitanje izvršenja zaključaka Doma, posebno spomenuvši zaključak o direktnom TV prijenosu sjednica Doma i o donošenju zakona o plaćama budžetskih korisnika. Naglasio je da je donošenje ovog zakona posebno važno za institucije BiH, pogotovo što pojedine institucije same sebi određuju plaće. Također je spomenuo potrebu donošenja zakona o Autoputu na Koridoru Vc, zapitavši da li je moguće da se troše milijarde maraka bez zakona.

Predsjedavajući Raguž odgovorio je da je Kolegij održao više sastanaka s rukovodstvom Javnog RTV servisa u vezi s prijenosom sjednica, na kojima su dobili objašnjenje da ne postoje tehničke pretpostavke za njihov direktan prijenos. Naglasio je da Kolegij nema pravnog osnova da naredi RTV servisu da prenosi sjednice. Što se tiče odnosa Vijeća ministara BiH prema zaključcima, predsjedavajući je rekao da je i o tome bilo govora više puta, kao i da je na posljednjoj sjednici Dom od Vijeća ministara BiH zatražio da podnese izvještaj o izvršenju zaključaka Doma.

U vezi s Prijedlogom rezolucije Mirsada Sipovića, predsjedavajući je podsjetio poslanike na odredbu člana 121. Poslovnika. Ovu odredbu tumačila je i sekretar Doma Branka Todorović, a nakon toga je ponovo diskutirao Mirsad Sipović.

Poslije diskusije Mirsada Sipovića, Dom je usvojio prijedlog da se Prijedlog rezolucije koji je podnio Sipović prethodno razmatra u nadležnoj komisiji. Ovaj prijedlog usvojen je s 29 glasova za (Federacija BiH 17, RS 12) i tri suzdržana.

Dom je također, s 23 glasa za (Federacija BiH 13, RS 10), šest protiv i tri suzdržana, odlučio da se u dnevni red uvrsti Prijedlog zaključka Filipa Andrića.

Nakon izjašnjavanja o prethodnim dopunama dnevnog reda, predsjedavajući Raguž konstatirao je da 83. sjednica Predstavničkog doma ima sljedeći

DNEVNI RED

1. Usvajanje Zapisnika 82. sjednice Predstavničkog doma;
2. Izvještaj Komisije Kolegija o nastojanju za postizanje sporazuma o zahtjevu Vijeća ministara BiH za razmatranje Prijedloga zakona o izmjenama i dopunama Zakona o carinskoj tarifi BiH po hitnom postupku, u skladu s članom 104. Poslovnika;
3. Izvještaj Komisije Kolegija o nastojanju za postizanje sporazuma o Izvještaju Ustavno-pravne komisije o Prijedlogu okvirnog zakona o visokom obrazovanju u Bosni i Hercegovini (predlagač: poslanik Momčilo Novaković);
4. Izvještaj Komisije Kolegija o nastojanju za postizanje sporazuma o Izvještaju Ustavno-pravne komisije o Prijedlogu zakona o Ustavnom sudu BiH (predlagač: poslanik Momčilo Novaković);
5. Izvještaj Komisije Kolegija o nastojanju za postizanje sporazuma o Prijedlogu zakona o izmjeni Zakona o koncesijama BiH - Zakon u prvom čitanju (predlagač: poslanik Jelina Đurković);
6. Zahtjev poslanika Joze Križanovića, Zlatka Lagumdžije i Selima Bešliagića za razmatranje Prijedloga zakona o dopunama Zakona o porezu na dodatu vrijednost po hitnom postupku, u skladu s članom 105. Poslovnika (Zakon od 7.7.2006.);
7. Zahtjev poslanika Momčila Novakovića za razmatranje Prijedloga zakona o porezu na dodatu vrijednost po hitnom postupku, u skladu s članom 105. Poslovnika (odgođeno na 81. sjednici Doma od 20.6.2006.);
8. Zahtjev poslanika Milorada Živkovića za razmatranje Prijedloga zakona o izmjeni Zakona o osnovama sigurnosti saobraćaja na putevima u BiH po hitnom postupku, u skladu s članom 105. Poslovnika;
9. Zahtjev Vijeća ministara BiH za usvajanje Prijedloga zakona o usvajanju Zakona o izmjenama i dopunama Zakona o policijskim službenicima BiH po hitnom postupku, u skladu s članom 105. Poslovnika;
10. Zahtjev poslanika Filipa Andrića za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje po hitnom postupku, u skladu s članom 105. Poslovnika;
11. Zahtjev Predsjedništva BiH za razmatranje Prijedloga zakona o izmjenama Zakona o Centralnoj banci BiH po hitnom postupku, u skladu s članom 105. Poslovnika;
12. Zahtjev Vijeća ministara BiH za razmatranje Prijedloga zakona o dopunama Zakona o komunikacijama BiH po hitnom postupku, u skladu s članom 105. Poslovnika;
13. Zahtjev poslanika Kluba SDS-a za razmatranje Prijedloga zakona o izmjenama i dopunama Zakona o porezu na dodatu vrijednost po hitnom postupku, u skladu s članom 104. Poslovnika (odgođeno na 81. sjednici Doma od 20.6.2006.);
14. Zahtjev Vijeća ministara BiH za razmatranje Prijedloga zakona o elektronskom potpisu po hitnom postupku, u skladu s članom 104. Poslovnika;
15. Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 104. Poslovnika;
16. Prijedlog zakona o dopuni Zakona o porezu na dodatu vrijednost, s Izvještajem Komisije za finansije i budžet (predlagač Zakona: Vijeće ministara BiH, odgođeno na 81. sjednici Doma 20.6.2006.);
17. Prijedlog zakona o izmjenama Zakona o policijskim službenicima BiH (prvo čitanje) – Zakon od 17.5.2006.;
18. Prijedlog zakona o izmjeni i dopuni Zakona o policijskim službenicima BiH, prvo čitanje, (Zakon od 29.5.2006.);
19. Prijedlog zakona o izmjeni Zakona o državnoj graničnoj službi BiH (prvo čitanje);
20. Prijedlog zakona o izmjenama i dopunama Zakona o izmirenju obaveza po osnovu računa stare devizne štednje (prvo čitanje) predlagač: poslanik Tihomir Gligorić;
21. Prijedlog zakona o dopunama Izbornog zakona BiH (prvo čitanje), predlagač: poslanik Momčilo Novaković;
22. Prijedlog zakona o izmjeni Zakona o autorskom pravu i srodnim pravima BiH (prvo čitanje) predlagači: poslanici Milorad Živković i Momčilo Novaković;
23. Prijedlog zakona o Agenciji za informaciono društvo BiH (prvo čitanje);
24. Prijedlog zakona o pravima i dužnostima članova Parlamentarne skupštine BiH - prvo čitanje (predlagači: više poslanika);

25. Prijedlog zakona o izmjenama Zakona o administrativnim taksama BiH - prvo čitanje (predlagač: poslanik Momčilo Novaković);
26. Godišnja platforma o sigurnosno-obavještajnoj politici Bosne i Hercegovine;
27. Godišnji izvještaj Visokog sudskog i tužilačkog vijeća BiH za 2005.;
28. Izvještaj o izvršenju Budžeta institucija BiH i međunarodnih obaveza BiH za 2005.;
29. Izvještaj o radu Pravobranilaštva BiH za 2005.;
30. Informacija o stanju sigurnosti u Bosni i Hercegovini za 2005.;
31. Izvještaj Zajedničke komisije o nastojanju za postizanje sporazuma o identičnom tekstu Zakona o dopuni Zakona o javnim nabavkama BiH;
32. Prijedlog zaključka poslanika Kluba stranke za BiH za osnivanje komisije za ispitivanje stradanja civila na području Općine Prijedor u periodu od 1992.do1995.;
33. Davanje saglasnosti za ratifikaciju:
 - a) Okvirnog sporazuma između Bosne i Hercegovine i Evropske zajednice o općim principima učešća Bosne i Hercegovine u programima Zajednice,
 - b) Sporazuma između Vijeća ministara BiH i Vlade Republike Austrije o finansijskoj saradnji,
 - c) Sporazuma između Vijeća ministara BiH i Vlade Republike Bugarske o ponovnom vraćanju vlastitih državljana i stranaca čiji je boravak ilegalan i Protokola za implementaciju Sporazuma između Vijeća ministara BiH i Vlade Republike Bugarske o readmisiji vlastitih državljana i stranaca čiji je boravak ilegalan,
 - d) Sporazuma o donaciji BA 00007 od 10.284.302 eura između Vijeća ministara BiH i Banke NIO (Holandija) i Sporazum o kreditu od 15.665.700,42 eura – kreditna sredstva za Vijeće ministara BiH, zastupano od Ministarstva finansija i trezora BiH, Vladu Federacije BiH, zastupanu od Ministarstva finansija, i Vladu Tuzlanskog kantona, zastupanu od Ministarstva finansija – osigurana od Banke FORTIS (Holandija) – finansiranje rekonstrukcije Javne zdravstvene ustanove Univerzitetskog kliničkog centra Tuzla,
 - e) Sporazuma između Vijeća ministara BiH i Evropske zajednice o određenim aspektima zračnog saobraćaja,
 - f) Sporazuma između Vijeća ministara BiH i Vlade Hašemitske Kraljevine Jordan o zračnom saobraćaju,
 - g) Odvojenog sporazuma o zamjeni duga između Bosne i Hercegovine, Federacije BiH, Republike Srpske i Kreditanstalt fur Wiederaufbau (KfW),
 - h) Ugovora o zajmu (Projekat obnove elektrodistribucije) između Bosne i Hercegovine i Evropske banke za obnovu i razvoj,
 - i) Ugovora o finansiranju Evropskog fonda za Bosnu i Hercegovinu (EFBH) – Program stambenog kreditiranja i Program malih i srednjih preduzeća između Vijeća ministara BiH i Kreditanstalt fur Wiederaufbau (KfW),
 - j) Kreditnog sporazuma između Bosne i Hercegovine, koju predstavlja Ministarstvo finansija i trezora BiH, i Bank Austria Credit Anstalt AG - Projekat vodosnabdijevanja Općine Grude,
 - k) Kreditnog sporazuma - projekat modernizacije bolnica, između Vijeća ministara BiH, Vlade Federacije BiH, Vlade Republike Srpske i Export – import banke Koreje (Vladina agencija za EDCF),
 - l) Sporazuma o kreditu između Bosne i Hercegovine i Kraljevine Španije za kreditiranje nabavke nagibnih vozova Talgo za Željeznice Federacije BiH.
34. Prijedlog zaključka Filipa Andrića.

Ad – 1: Usvajanje Zapisnika 82. sjednice Predstavničkog doma

U raspravi o Zapisniku Ruža Sopta zatražila je da se od poslanika preuzmu poslanička pitanja koja su pripremljena u pisanoj formi.¹

Mirsad Čeman rekao je da je u Zapisniku u njegovom poslaničkom pitanju pogrešno navedena riječ «istraživanje» umjesto «istražavanje, rekavši da je očito u pitanju teže čitanje njegovog rukopisa. Zatražio da se to u Zapisniku ispravi.

Mirsad Sipović predložio je da, ako poslanik opširno postavi poslaničko pitanje, a službi nije jasna prava formulacija, treba da pozove poslanika da svoj tekst autorizira.

Predsjedavajući Raguž odgovorio je da poslanici, bez obzira da li su usmeno postavili pitanja, treba da ih predaju i u pisanoj formi.

¹ U pisnoj formi pitanja su predali: Ruža Sopta, Sead Avdić i Muhamed Altić.

Nakon rasprave, jednoglasno je usvojen Zapisnik 82. sjednice Doma, uz primjedbu koju je iznio Mirsad Ćeman.

Ad – 2: Izvještaj Komisije Kolegija o nastojanju za postizanje sporazuma o zahtjevu Vijeća ministara BiH za razmatranje Prijedloga zakona o izmjenama i dopunama Zakona o carinskoj tarifi BiH po hitnom postupku, u skladu s članom 104. Poslovnika

Predsjedavajući je rekao da je u Kolegiju kao komisiji postignuta saglasnost i konstatirao da je time usvojen zahtjev Vijeća ministara BiH da se Prijedlog zakona o izmjenama i dopunama Zakona o carinskoj tarifi razmatra po članu 104. Poslovnika.

Ad – 3: Izvještaj Komisije Kolegija o nastojanju za postizanje sporazuma o Izvještaju Ustavno-pravne komisije o Prijedlogu okvirnog zakona o visokom obrazovanju u Bosni i Hercegovini (predlagač: poslanik Momčilo Novaković)

Predsjedavajući je također obavijestio Dom da je u Kolegiju postignuta saglasnost o Izvještaju Ustavno-pravne komisije, pa je time pao Prijedlog okvirnog zakona o visokom obrazovanju koji je predložio Momčilo Novaković.

Ad – 4: Izvještaj Komisije Kolegija o nastojanju za postizanje sporazuma o Izvještaju Ustavno-pravne komisije o Prijedlogu zakona o Ustavnom sudu BiH (predlagač: poslanik Momčilo Novaković)

Kako nije postignuta saglasnost o Izvještaju Ustavno-pravne komisije, predsjedavajući je proveo drugi krug glasanja.

Za Izvještaj Ustavno-pravne komisije glasala su 22, a protiv je glasalo 11 poslanika. Iz Republike Srpske protiv je glasalo 11, što je više od 2/3, pa je predsjedavajući konstatirao da Izvještaj Ustavno-pravne komisije o Prijedlogu zakona o Ustavnom sudu BiH nije usvojen.

Ad – 5: Izvještaj Komisije Kolegija o nastojanju za postizanje sporazuma o Prijedlogu zakona o izmjeni Zakona o koncesijama BiH - Zakon u prvom čitanju (predlagač: poslanik Jelina Đurković)

U Kolegiju nije bilo saglasnosti ni o Prijedlogu zakona o izmjeni Zakona o koncesijama u prvom čitanju.

U drugom krugu glasanja za Prijedlog zakona glasalo je 17, protiv 12, suzdržala su se četiri poslanika. Iz Federacije BiH protiv je glasalo 10 poslanika, što je manje od 2/3 iz entiteta. Predsjedavajući je konstatirao da je ovaj prijedlog zakona usvojen u prvom čitanju.

Zatim je usvojen prijedlog predsjedavajućeg da se pređe u drugo čitanje.

U drugom čitanju Jelina Đurković podnijela je obrazloženje Prijedloga zakona. U raspravi su učestvovali: Beriz Belkić, Nikola Špirić, Mirsad Sipović, Jelina Đurković, Šefik Džaferović i Momčilo Novaković.

Nakon rasprave, Prijedlog zakona u drugom čitanju nije dobio entitetsku većinu. Za je glasalo 18 (Federacija BiH 6, RS 12), protiv 10, suzdržala su se tri poslanika.

Predsjedavajući je konstatirao da će se naknadno provesti usaglašavanje u Kolegiju kao komisiji.

Ad – 6: Zahtjev poslanika Joze Križanovića, Zlatka Lagumdžije i Selima Bešliagića za razmatranje Prijedloga zakona o dopunama Zakona o porezu na dodatu vrijednost po hitnom postupku, u skladu s članom 105. Poslovnika (Zakon od 7.7.2006.)

Jozo Križanović podnio je obrazloženje.

U raspravi su učestvovali: Vinko Zorić, Jozo Križanović, Dušanka Majkić, Tihomir Gligorić, Ljiljana Milićević, Sead Avdić, Selim Bešliagić, Milorad Živković, Hazim Felić, Beriz Belkić i Momčilo Novaković.

Nakon rasprave, provedeno je glasanje o zahtjevu.

Za su glasala četiri, protiv 24, suzdržala su se dva poslanika. Predsjedavajući je konstatirao da zahtjev za hitni postupak nije usvojen i da će se predloženi zakon razmatrati u redovnoj proceduri.

Ad – 7: Zahtjev poslanika Momčila Novakovića za razmatranje Prijedloga zakona o porezu na dodatu vrijednost po hitnom postupku, u skladu s članom 105.

Momčilo Novaković obrazložio je zahtjev za hitni postupak.

U raspravi su učestvovali: Dušanka Majkić, Momčilo Novaković, Tihomir Gligorić, Mirsad Sipović, Milorad Živković, Sead Avdić i Ljiljana Milićević.

Prilikom glasanja za zahtjev je glasalo osam, protiv 19, suzdržala su se tri poslanika.

Predsjedavajući je konstatirao da zahtjev nije usvojen i da će se i ovaj prijedlog zakona razmatrati u redovnoj proceduri.

Ad – 8: Zahtjev poslanika Milorada Živkovića za razmatranje Prijedloga zakona o izmjeni Zakona o osnovama sigurnosti saobraćaja na putevima u BiH po hitnom postupku, u skladu s članom 105. Poslovnika

Milorad Živković podnio je obrazloženje.

U raspravi su učestvovali: Momčilo Novaković, Dušanka Majkić, Miloš Jovanović, Selim Bešliagić, Beriz Belkić, Jozo Križanović, Milorad Živković i Petar Kunić. U ime predlagača Zakona govorio je Nikola Šego, sekretar Ministarstva prometa i komunikacija BiH.

Prilikom glasanja zahtjev za proceduru nije dobio većinu – Za je glasalo 10, protiv 14, suzdržalo se pet poslanika.

Predsjedavajući je konstatirao da će se Prijedlog zakona razmatrati u redovnoj proceduri.

Ad – 9: Zahtjev Vijeća ministara BiH za usvajanje Prijedloga zakona o usvajanju Zakona o izmjenama i dopunama Zakona o policijskim službenicima BiH po hitnom postupku, u skladu s članom 105. Poslovnika

U okviru ove tačke nije bilo rasprave.

S 25 glasova za, četiri protiv i jednim suzdržanim, usvojen je zahtjev Vijeća ministara BiH za hitni postupak. Zatim je usvojen Zakon o usvajanju Zakona o izmjenama i dopunama Zakona o policijskim službenicima BiH. Za Zakon je glasalo 25, a protiv tri poslanika.

Ad – 10: Zahtjev poslanika Filipa Andrića za razmatranje Prijedloga zakona o izmjenama i dopunama Zakona o izmirenju obaveza po osnovu računa stare devizne štednje po hitnom postupku, u skladu s članom 105. Poslovnika

Poslije obrazloženja koje je podnio predlagač Zakona Filip Andrić, u raspravi su učestvovali: Tihomir Gligorić, Mirsad Sipović i Filip Andrić. Zatim je provedeno glasanje o zahtjevu za proceduru.

Za je glasao 21 (Federacija BiH 10, RS 11), protiv devet, suzdržala su se tri poslanika. Prema tome, zahtjev za proceduru je usvojen.

U raspravi o Prijedlogu zakona učestvovali su Mirsad Ćeman i Filip Andrić. Zatim je provedeno glasanje. Za Prijedlog zakona glasao je 21, protiv osam, suzdržao se jedan poslanik. Po entitetima, iz Federacije BiH za je glasalo devet, iz RS-a 12 poslanika. Kako nije bilo entitetske većine, u Kolegiju je provedeno usaglašavanje.

Nije bilo saglasnosti pa je proveden drugi krug glasanja.

U drugom krugu glasanja protiv Prijedloga zakona glasalo je osam poslanika iz Federacije BiH, što je manje od 2/3.

Predsjedavajući je konstatirao da je usvojen Zakon o izmjenama i dopunama Zakona o izmirenju obaveza po osnovu računa stare devizne štednje.

Ad – 11: Zahtjev Predsjedništva BiH za razmatranje Prijedloga zakona o izmjenama Zakona o Centralnoj banci BiH po hitnom postupku, u skladu s članom 105. Poslovnika

Nije bilo rasprave pa je odmah provedeno glasanje o zahtjevu. Za su glasala 23 (Federacija BiH 13, RS 10), protiv dva, suzdržala su se tri poslanika.

O Prijedlogu zakona diskutirao je Nikola Špirić. Zatim je provedeno glasanje o Prijedlogu zakona.

Zakon o izmjenama Zakona o Centralnoj banci BiH usvojen je s 22 glasa za, tri protiv i šest suzdržanih.

Ad – 12: Zahtjev Vijeća ministara BiH za razmatranje Prijedloga zakona o dopunama Zakona o komunikacijama BiH po hitnom postupku, u skladu s članom 105. Poslovnika

Nije bilo rasprave ni o ovoj tački dnevnog reda.

Dom je usvojio zahtjev za hitni postupak. Međutim, Prijedlog zakona nije dobio entitetsku većinu. Za je glasalo 19 (Federacija BiH 16, RS 3), protiv šest, suzdržalo se pet poslanika. Predsjedavajući je konstatirao da Prijedlog zakona nije usvojen i da slijedi postupak usaglašavanja u Kolegiju kao komisiji.

Ad – 13: Zahtjev poslanika Kluba SDS-a za razmatranje Prijedloga zakona o izmjenama i dopunama Zakona o porezu na dodatu vrijednost po hitnom postupku, u skladu s članom 104. Poslovnika (odgođeno na 81. sjednici Doma od 20.6.2006.)

Nije bilo rasprave pa je provedeno glasanje o zahtjevu za proceduru.

Za je glasalo 17 (Federacija BiH 7, RS 10), protiv 10, suzdržala su se tri poslanika.

Pošto nije bile entitetske većine, odmah je provedeno usaglašavanje u Kolegiju, ali nije bilo saglasnosti.

U drugom krugu glasanja protiv zahtjeva iz Federacije BiH glasalo je osam poslanika, što je manje od 2/3. Predsjedavajući je konstatirao da je zahtjev za proceduru usvojen.

Ad – 14: Zahtjev Vijeća ministara BiH za razmatranje Prijedloga zakona o elektronskom potpisu po hitnom postupku, u skladu s članom 104. Poslovnika

Kratko je diskutirao Momčilo Novaković, nakon čega je provedeno glasanje o zahtjevu za proceduru.

S 23 glasa za (Federacija BiH 17, RS 6), šest protiv i dva suzdržana, usvojen je zahtjev Vijeća ministara BiH.

Ad – 15: Zahtjev Vijeća ministara BiH za razmatranje Prijedloga zakona o izmjenama i dopunama Zakona o Vijeću ministara BiH po hitnom postupku, u skladu s članom 104. Poslovnika

Nije bilo rasprave.

Prilikom glasanja zahtjev Vijeća ministara BiH iz ove tačke nije dobio entitetsku većinu. Za zahtjev je glasalo 15 (Federacija BiH 13, RS 2), protiv 12, suzdržala su se tri poslanika.

Predsjedavajući je konstatirao da slijedi usaglašavanje o zahtjevu.

Ad – 16: Prijedlog zakona o dopuni Zakona o porezu na dodatu vrijednost, s Izvještajem Komisije za finansije i budžet (predlagač Zakona: Vijeće ministara BiH, odgođeno na 81. sjednici Doma 20.6.2006.)

Nije bilo rasprave. Predsjedavajući je podsjetio da se Dom izjašnjava o Izvještaju Komisije, pa ga je dao na glasanje.

Za Izvještaj je glasalo 20 (Federacija BiH 7, RS 13), protiv sedam, suzdržala su se četiri poslanika.

Predsjedavajući je konstatirao da Izvještaj Komisije za finansije i budžet nije dobio entitetsku većinu i da će se naknadno provesti usaglašavanje u Kolegiju kao komisiji.

Ad – 17: Prijedlog zakona o izmjenama Zakona o policijskim službenicima BiH (prvo čitanje) – Zakon od 17.5.2006.

Nije bilo rasprave o ovoj tački.

S 23 glasa za, četiri protiv i četiri suzdržana, usvojen je Prijedlog zakona u prvom čitanju.

Usvojen je također i prijedlog predsjedavajućeg da se pređe u drugo čitanje.

S 24 glasa za, dva protiv i jednim suzdržanim, usvojen je Zakon o izmjenama Zakona o policijskim službenicima BiH.

Ad – 18: Prijedlog zakona o izmjeni i dopuni Zakona o policijskim službenicima BiH, prvo čitanje, (Zakon od 29.5.2006.)

Nije bilo rasprave ni o ovom prijedlogu zakona.

S 23 glasa za, tri protiv i dva suzdržana, usvojen je Prijedlog zakona u prvom čitanju.

Također je usvojen prijedlog predsjedavajućeg da se pređe u drugo čitanje.

S 23 glasa za, šest protiv i dva suzdržana, usvojen je Zakon o policijskim službenicima BiH iz ove tačke.

Ad – 19: Prijedlog zakona o izmjeni Zakona o državnoj graničnoj službi BiH (prvo čitanje)

U okviru ove tačke diskutirao je Momčilo Novaković. Zatim je predsjedavajući Prijedlog zakona dao na glasanje u prvom čitanju.

Za je glasao 21 (Federacija BiH 17, RS 4), protiv devet, suzdržao se jedan poslanik.

Predsjedavajući je konstatirao da Prijedlog zakona nije dobio entitetsku većinu i da slijedi usaglašavanje u Kolegiju kao komisiji.

Ad – 20: Prijedlog zakona o izmjenama i dopunama Zakona o izmirenju obaveza po osnovu računa stare devizne štednje (prvo čitanje) predlažać: poslanik Tihomir Gligorić

O prijedlogu ovog zakona vođena je duža rasprava u kojoj su učestvovali: Ljiljana Milićević, Beriz Belkić, Tihomir Gligorić, Elmir Jahić, Nikola Špirić, Šefik Džaferović, Momčilo Novaković, Sead Avdić, Jozo Križanović, Marija Perkanović, Martin Raguž, Mladen Potočnik, Petar Kunić, Filip Andrić, Mirsad Sipović, Vinko Zorić, Milorad Živković i Ruža Sopta. U ime Vijeća ministara BiH govorio je zamjenik ministra finansija i trezora BiH Jusuf Kumalić, a u ime Udruženja deviznih štediša Svetozar Nišić.

Nakon rasprave, predsjedavajući je Prijedlog zakona dao na glasanje u prvom čitanju.

Za je glasalo 18 (RS 10, Federacija BiH 8), protiv 11, suzdržala su se četiri poslanika.

Predsjedavajući je konstatirao da Prijedlog zakona nije dobio entitetsku većinu i da slijedi postupak usaglašavanja.

Ad – 21: Prijedlog zakona o dopunama Izbornog zakona BiH (prvo čitanje), predlažać: poslanik Momčilo Novaković

Momčilo Novaković podnio je obrazloženje Prijedloga zakona.

U raspravi su učestvovali: Filip Andrić, Elmir Jahić, Petar Kunić, Jozo Križanović, Mirsad Sipović, Selim Bešlić, Milorad Živković i Momčilo Novaković.

Nakon rasprave, provedeno je glasanje.

Za Prijedlog zakona glasalo je 11, protiv 17, suzdržala su se dva poslanika.

Predsjedavajući je konstatirao da Prijedlog zakona nije usvojen.

Ad – 22: Prijedlog zakona o izmjeni Zakona o autorskom pravu i srodnim pravima Bosne i Hercegovine (prvo čitanje), predlažaći: poslanici Milorad Živković i Momčilo Novaković

Nije bilo rasprave. Prijedlog zakona razmatran je u prvom i drugom čitanju.

Usvojen je u drugom čitanju s 23 glasa za (Federacija BiH 10, RS 13), devet protiv i dva suzdržana.

Ad – 23: Prijedlog zakona o Agenciji za informaciono društvo BiH (prvo čitanje)

O Prijedlogu zakona diskutirali su: Dušanka Majkić, Miloš Jovanović, Beriz Belkić, Sead Avdić, Ruža Sopta, Milorad Živković i Selim Bešlić.

U ime predlažaća govorio je ministar Branko Dokić. Zatim je provedeno glasanje u prvom čitanju.

Za Prijedlog zakona glasala su 22 (Federacija BiH 19, RS 3), protiv 11, suzdržao se jedan poslanik.

Kako nije bilo entitetske većine, odmah je provedeno usaglašavanje u Kolegiju. Nije bilo saglasnosti.

U drugom krugu glasanja protiv Prijedloga zakona glasalo je 11 poslanika, što je više od 2/3 iz entiteta.

Predsjedavajući je konstatirao da Prijedlog zakona o Agenciji za informaciono društvo BiH nije usvojen.

Ad – 24: Prijedlog zakona o pravima i dužnostima članova Parlamentarne skupštine BiH – prvo čitanje (predlagači – više poslanika)

Povodom Prijedloga ovog zakona diskutirali su: Šefik Džaferović, Ljiljana Milićević, Mirsad Sipović, Senija Kapetanović, Tihomir Gligorić, Nikola Špirić, Dušanka Majkić, Vinko Zorić, Petar Kunić, Jozo Križanović, Ruža Sopta, Izet Hadžić, Momčilo Novaković, Ivo Lozančić, Ibrahim Đedović i Mladen Potočnik.

Nakon rasprave, provedeno je glasanje.

Za Prijedlog zakona u prvom čitanju glasalo je devet, protiv 17, suzdržalo se pet poslanika.

Predsjedavajući je konstatirao da Prijedlog zakona nije usvojen u prvom čitanju.

Ad – 25: Prijedlog zakona o izmjenama Zakona o administrativnim taksama BiH
- prvo čitanje (predlagač: poslanik Momčilo Novaković)

Nije bilo rasprave o ovoj tački. Prijedlog zakona razmatran je i usvojen i u prvom i u drugom čitanju. Za Zakon su u drugom čitanju glasala 24, protiv četiri, suzdržala su se dva poslanika.

Ad – 26: Godišnja platforma o sigurnosno-obavještajnoj politici Bosne i Hercegovine

Predsjedavajući Raguz podsjetio je poslanike na zaključke koje nadležna komisija predlaže u Izvještaju.

Nije bilo rasprave.

S 29 glasova za i dva suzdržana, Dom je usvojio Izvještaj Zajedničke sigurnosno-obavještajne komisije, sa zaključcima koji glase:

1. Platforma za proteklu godinu bit će osnova za rad Obavještajno-sigurnosne agencije BiH za ovu godinu. U skladu s tom platformom, Obavještajno-sigurnosna agencija BiH dužna je da izradi odgovarajuće programe i planove.

2. Predsjedništvo BiH obavezno je do 31.10.2006. Parlamentarnoj skupštini BiH dostaviti tekst platforme o sigurnosno-obavještajnoj politici za 2007. godinu.

Ad – 27: Godišnji izvještaj Visokog sudskog i tužilačkog vijeća BiH za 2005.

Povodom ove tačke diskutirao je Mirsad Sipović. U ime Visokog sudskog i tužilačkog vijeća BiH govorio je predsjednik Branko Perić.

Nakon izlaganja Branka Perića predsjedavajući je konstatirao da se Godišnji izvještaj Visokog sudskog i tužilačkog vijeća BiH za 2005. prima k znanju, uz zaključak da se tom vijeću dostavi Mišljenje Ustavno-pravne komisije.

Ad – 28: Izvještaj o izvršenju Budžeta institucija BiH i međunarodnih obaveza BiH za 2005.

Nije bilo rasprave. S 26 glasova za i dva suzdržana, usvojen je Izvještaj o izvršenju Budžeta institucija BiH i međunarodnih obaveza BiH za 2005.

Ad – 29: Izvještaj o radu Pravobranilaštva BiH za 2005.

Također bez rasprave, s 24 glasa za i četiri suzdržana, Dom je usvojio Izvještaj o radu Pravobranilaštva BiH za 2005.

Ad – 30: Informacija o stanju sigurnosti u Bosni i Hercegovini za 2005.

Predsjedavajući je podsjetio poslanike na zaključke koje u Izvještaju predlaže Zajednička komisija za odbrambenu i sigurnosnu politiku.

Nije bilo rasprave.

S 26 glasova za i tri suzdržana, Dom je prihvatio Informaciju o stanju sigurnosti u BiH za 2005. s Izvještajem Ustavno-pravne komisije i zaključcima predloženim u Izvještaju, a koji glase:

1. Parlamentarna skupština BiH podržava Informaciju o stanju sigurnosti u BiH za 2005. godinu i konstatira da je u potpunosti sačinjena objektivno i bez političkih konotacija.

2. Zahtijeva se od Vijeća ministara BiH da u što kraćem roku Parlamentarnoj skupštini BiH dostavi:

- a) informaciju o stanju sigurnosti u BiH i mjerama koje treba preduzeti u vezi sa suzbijanjem neovlaštene proizvodnje i stavljanja u promet opojnih droga;
- b) informaciju o broju i vrsti krivičnih djela koja se odnose na pljačku banaka i pljačke novca prilikom transporta, s podacima o stanju otkrivenosti i stanju neotkrivenosti tih djela, o okolnostima pod kojima se odvija djelatnost transporta novca, te prijedlogom mjera za popravljnje trenutnog stanja u BiH i
- c) informaciju o stanju u oblasti prijevoza u BiH, s prijedlogom mjera za poboljšanje.

3. Oba doma Parlamentarne skupštine BiH podržavaju i zahtijevaju hitno provođenje Strategije BiH za borbu protiv organiziranog kriminala i korupcije za period 2006. – 2009., koju je usvojilo Vijeće ministara BiH, a kojom je definiran i proces vezan za izradu određenih zakonskih projekata iz ove oblasti, kao što je npr. zakon o zaštitarskim firmama i sl. U tom smislu, od Vijeća ministara BiH i Ministarstva sigurnosti BiH zahtijeva se redovno dostavljanje informacija o provođenju navedene strategije.

4. Od Vijeća ministara BiH i Ministarstva sigurnosti BiH zahtijeva se da, prilikom izrade informacije za iduću godinu, a s ciljem poboljšanja njenog kvaliteta, analitički je tabelarno razrade i daju podatke po oblastima koje pokrivaju kantonalna ministarstva unutrašnjih poslova u FBiH i centri javne sigurnosti u Republici Srpskoj.

Ad – 31: Izvještaj Zajedničke komisije o nastojanju za postizanje sporazuma o identičnom tekstu Zakona o dopuni Zakona o javnim nabavkama BiH

Bez rasprave, Dom je usvojio Izvještaj Zajedničke komisije o usaglašavanju teksta Zakona o dopuni Zakona o javnim nabavkama BiH.

Ad – 32. Prijedlog zaključka poslanika Kluba stranke za BiH za osnivanje komisije za ispitivanje stradanja civila na području Općine Prijedor u periodu od 1992.do1995.

Nije bilo rasprave o Prijedlogu zaključka.

Za Prijedlog zaključka glasalo je 18 (Federacija BiH 16, RS 2), protiv devet poslanika.

Predsjedavajući je konstatirao da Prijedlog zaključka nije dobio entitetsku većinu i da će se naknadno provesti usaglašavanje u Kolegiju kao komisiji.

Ad – 33: Davanje saglasnosti za ratifikaciju:

- a) Okvirnog sporazuma između Bosne i Hercegovine i Evropske zajednice o općim principima učešća Bosne i Hercegovine u programima Zajednice,
- b) Sporazuma između Vijeća ministara BiH i Vlade Republike Austrije o finansijskoj saradnji,
- c) Sporazuma između Vijeća ministara BiH i Vlade Republike Bugarske o ponovnom vraćanju vlastitih državljana i stranaca čiji je boravak ilegalan i Protokola za implementaciju Sporazuma između Vijeća ministara BiH i Vlade Republike Bugarske o readmisiji vlastitih državljana i stranaca čiji je boravak ilegalan,
- d) Sporazuma o donaciji BA 00007 od 10.284.302 eura između Vijeća ministara BiH i Banke NIO (Holandija) i Sporazum o kreditu od 15.665.700,42 eura – kreditna sredstva za Vijeće ministara BiH, zastupano od Ministarstva finansija i trezora BiH, Vladu Federacije BiH, zastupanu od Ministarstva finansija, i Vladu Tuzlanskog kantona, zastupanu od Ministarstva finansija – osigurana od Banke FORTIS (Holandija) – finansiranje rekonstrukcije Javne zdravstvene ustanove Univerzitetskog kliničkog centra Tuzla.
- e) Sporazuma između Vijeća ministara BiH i Evropske zajednice o određenim aspektima zračnog saobraćaja,
- f) Sporazuma između Vijeća ministara BiH i Vlade Hašemitske Kraljevine Jordan o zračnom saobraćaju,
- g) Odvojenog sporazuma o zamjeni duga između Bosne i Hercegovine, Federacije BiH, Republike Srpske i Kreditanstalt für Wiederaufbau (KfW),
- h) Ugovora o zajmu (Projekat obnove elektrodistribucije) između Bosne i Hercegovine i Evropske banke za obnovu i razvoj,
- i) Ugovora o finansiranju Evropskog fonda za Bosnu i Hercegovinu (EFBH) – Program stambenog kreditiranja i Program malih i srednjih preduzeća između Vijeća ministara BiH i Kreditanstalt für Wiederaufbau (KfW),

- j) Kreditnog sporazuma između Bosne i Hercegovine, koju predstavlja Ministarstvo finansija i trezora BiH, i Bank Austria Credit Anstalt AG - Projekat vodosnabdijevanja Općine Grude,
- k) Kreditnog sporazuma - projekat modernizacije bolnica, između Vijeća ministara BiH, Vlade Federacije BiH, Vlade Republike Srpske i Export – import banke Koreje (Vladina agencija za EDCF),
- l) Sporazuma o kreditu između Bosne i Hercegovine i Kraljevine Španije za kreditiranje nabavke nagibnih vozova Talgo za Željeznice Federacije BiH.

Dom je dao saglasnost za ratifikaciju svih akata iz ove tačke dnevnog reda.

Ad – 34: Prijedlog zaključka Filipa Andrića

Predsjedavajući je podsjetio poslanike da su tekst Zaključka dobili u pisanoj formi i da on glasi: ‘Nalaže se Vijeću ministara BiH da odmah obustavi daljnji prijem novih službenika i zaposlenika u sva ministarstva do konsituiranja vlasti nakon oktobarskih izbora.’

Povodom Prijedloga zaključka, diskutirali su: Beriz Belkić, Mirsad Sipović i Šefik Džaferović. Zatim je provedeno glasanje.

Za Prijedlog zaključka glasalo je 13 (Federacija BiH 8, RS 5), protiv 12, suzdržala su se tri poslanika.

Predsjedavajući je konstatirao da Prijedlog zaključka nije dobio entitetsku većinu i da će se provesti usaglašavanje u Kolegiju kao komisiji.

Ovim je realiziran dnevni red 83. sjednice Predstavničkog doma.

Sjednica je završena u 21 sat.

Sastavni dio Zapisnika je transkript 83.sjednice.

SEKRETAR
PREDSTAVNIČKOG DOMA
Branka Todorović

PREDSJEDAVALA
PREDSTAVNIČKOG DOMA
Martin Raguž